

STYRET SI ÅRSMELDING FOR 2021

VEST-AGDER UNGDOMSLAG

Styret:

Audar Solberg – leiar

Guro Jeppestøl – styremedlem

Tom Leroy Tjelland – styremedlem

Gunn Lieng – 1. varamedlem

Anne-Beate Guldahl – nestleiar

Mari Fjordheim Fjermedal – styremedlem

Cesare Sciardi – 2. varamedlem

Administrasjon:

Borghild Løver: Skrivaroppdrag mm. Siss Ågedal: Kasseraroppdrag.

Kontorstad: Vigelandstua, kontor/møtelokale leigd hjå Lindesnes Ungdomslag

Medlemstal:

31. desember	Totaltal	Under 26 år	Over 26 år
2021	956	274	682
2020	1.017	292	725
2019	1.116	358	758
2018	997	296	701
2017	965	296	669
2016	992	295	697
2015	933	295	632
2014	914	302	612
2013	867	276	591
2012	835	247	588
2011	844	242	602
2010	1040	321	719
2009	1133	376	757
2008	1027	306	721
2007	995	293	702
2006	1043	319	724
2005	1057	287	770
2004	900	176	724
2003	821		

Tala er henta frå www.webmedlem.no og hypersys. Omlegginga til nytt medlemssystem i 2011 (hypersys) gjorde medlemstala noko lågare frå det året.

Møte:

Styret har hatt 8 styremøte – på Vatnestrøm, Hægeland, Kristiansand, Øyslebø, Vigelandstua (2) og 2 møte via Teams. Det siste møtereferatet enda med det 64. punktet på saklista.

Årsmøtet:

Laurdag 25. mars 2021 var det Teams-årsmøte i staden for fysisk møte på Heimtun hjå UL Lyngdølen grunna nedstenginga i høve koronapandemien. 19 lokallag med 51 røyster og styret på 5 vart totalt 56 røyster. I tillegg var det to utan røysterett: skrivaren Borghild Løver og fondsstyreleiaren Ole Tom Stokkeland. Agder folkemusikk- og folkedansnemnd og valnemnda var representert blant deltakarane.

Heidersmedlemer: Våre to heidersmedlemer er Brit Versland og Olav Molland.

Tal lag: VAUL har 23 aktive lag jfr. Hypersys.

Gjennomføring av arbeidsprogram 2021

Organisasjon og ymse; styret sitt arbeidsområde

1. Tilby utdanning og kurs til (fylkes)tillitsvalde (i samarbeid med nemndene)

Ikkje mogleg å gjennomføre:

- Storkurset på Rosfjord Strandhotell i Lyngdal: Avlyst pga Covid -19.

2. Vere representert på landsrådsmøte, landsmøte, fagseminar, storkurs og andre viktige samlingar (i samarbeid med nemndene)

Gjennomført:

- Møte med fylkesungdomslaga: Ikkje aktuelt.
- Årsmøte i BURIA (barne- og ungdomsrådet): Ingen møtte her.
- Landsmøtet i Noregs Ungdomslag 24.-25. april digitalt: Anne Beate Guldahl, Audar Solberg og Borghild Løver møtte på dette.
- Årsmøte i Studieforbundet Kultur og tradisjon Agder 15. mai: Kari Mysen og Tor Steinar Fromreide
- Nordleiksynfaring/sondering av stemnestad: 28.+30. april: Osmund V. Eikeland, Gunn Lieng, Borghild Løver og Cesare Sciardi
Teamsmøte 4. mai: Audar og Borghild
Teamsmøte 13. juni: Borghild (And the decision is Arendal!)
- Møte i kontingentutvalet via Teams: 9. februar og 9. mars: Borghild Løver
- Landsfestivalen i gamaldans: AVLYST
- Landsrådsmøte 15.-17. oktober i Oslo: Mari Fjermedal og Guro Jeppestøl

Ikkje gjennomført:

Årsmøte i L/L Det Norske Teatret i Oslo i april: Ingen møtte her.

3. Sponse til saman 4 personar frå lokallaga på regionale/sentrale kurs (til dømes fagseminar)/utdanningstilbod - med høgst prioritering for dei under 26 år (styret/lokallaga)

AVLYST grunna Covid -19.

4. Støtte lag som sender ungar på barnleik det året dette vert tilskipa (kvart fjerde år)

AVLYST grunna koronapandemien.

5. Støtte ungdom som vil reise på NU sin sommarleir/folkekulturfestivalen (i samarbeid med lokallaga): AVLYST grunna pandemien.

6. Støtte lag økonomisk som sender folk på storkurs

Ikkje aktuelt: Covid -19.

7. Støtte lag økonomisk i høve aksjon lokallag og i høve aktivitetstilskot

Gjennomført desse løyvingane:

Året 2021 fekk desse laga 3.000 kr kvar: Iveland UL, Hægeland UL og Søgne UL.

Aksjon lokallag:

I 2013 fekk Marnardal UL 15.000 kr i 3 år, og Framsteg UL 10.000 kr.

I 2014 fekk Holum UL 15.000 kr i 3 år og Lista UL 10.000 kr.

I 2015 fekk Lista UL 15.000 kr i 3 år og Kvina UL 10.000 kr.

I 2016 fekk Greipstad UL 15.000 kr i 3 år og Søgne UL 10.000 kr.
I 2017 fekk Marnardal UL 15.000 kr i 3 år og Kvina UL 10.000 kr.
I 2018 fekk Kvås UL 15.000 kr i 3 år og Hægeland UL 10.000 kr.
I 2019 fekk Halse UL 15.000 kr i 3 år og Åseral UL 10.000 kr.
I 2020 fekk Grindheim UL 15.000 kr i 3 år og Hægeland UL 10.000 kr.
I 2021 fekk Bygland UL 15.000 kr i 3 år og Greipstad UL 10.000 kr.

8. Støtte lag økonomisk som ynskjer å skipe til barnestemne

Ikkje aktuelt: Det var ikkje barnestemne i 2021

9. Gje målretta organisasjonskurs til lokallag

Ikkje aktuelt: Pga Covid -19.

10. Hjelpe laga som treng det med HMS-arbeid og folkedanskurs (reiseinstruktør)

Gjennomført: Deling av erfaring i særskilte fall.

11. Halde ved like fylkessamarbeid når det gjeld tilskipping av barnestemne;

Ikkje aktuelt: Det er for lite grunnlag for tradisjonelt barnestemne.

12. Gje ut 2 utgåver av Unge Agder (i samarbeid med redaksjonsnemnda)

Ikkje gjennomført.

13. Skipe til eitt samrådsmøte/temamøte viss behov for det

Ikkje behov for dette i 2021.

14. Halde kontakt med lokallaga, mellom anna ved telefonkontakt og post/e-post, møte ++

Gjennomført:

- Telefonkontakt av styret/skrivar
- Utsending av e-post
- Delta på dei jubilea og tilskippingane i lokallaga som fylkeslaget vert innbeden til
- Møte med Halse UL 14. og 20. januar og 24. mars i samband med innspel til planane om det nye Helsehuset – med fare for riving av Ljosheim

15. Skipe til fylkesfinalen i Kven Veit (i samarb. med fjorårets vinnarlag, UL Fram)

Ikkje gjennomført: Covid -19.

16. Tilby bunadinformasjon til lokallaga

Gjennomført: Bunadkontakt er Dag Olav Hagen.

17. Utarbeide liste over instruktørar og spelemenn rundt om i fylket

Delvis gjennomført: Arbeidet har byrja.

18. Premiere lag som registrerer e-post/mobilnr. For kvar vaksen/ungdomslagsmedlem.

Delvis gjennomført: Nokre av laga er på god veg til å kome i mål med dette.

19. Bruke fleire kanalar og måtar til PR og blest, t.d. fjesboka, film, heimesida mm.

Gjennomført: Fjesboka vert oppdatert fleire gonger i veka. Heimesida er oppe og går.

20. Utarbeide folkedansopplegg for SFO/1. Klasse til bruk i Den kulturelle skolesekken

Vanskeleg å gjennomføre: Covid -19.

21. Utarbeide plan/tiltak for å gjere ungdomslaget meir synleg for medlemmer og få til

rekruttering.

Vanskeleg å gjennomføre: Covid -19...

Teater; styret sitt arbeidsområde

1. Støtte lag økonomisk som sender folk på kurs og amatørteaterfestivalen (i samarbeid med lokallaga)

Ikkje aktuelt: Ingen festival grunna Covid -19.

2. Vere til stades på premierar i lokallaga (styret/lokallaga)

Gjennomført: Vest-Agder UL var til stades på revyen til Lindesnes UL 24. oktober

3. Informere om støtteordningar og NU sitt teatertilbod

Ikkje aktuelt: Holum UL fekk 3.000 kr frå teaterpotten i 2021.

Anna arbeid:

Langeleikane til VAUL: Desse er lagra på Vigelandstua, bortsett frå ein, som Olaf Moen låner. Totalt har VAUL 10 langeleikar. Aust-Agder fekk låne dei til eit kurs for barn/unge om hausten.

Felene til VAUL: Ei fele vert oppbevart på Vig.stua, ei fele er utlånt til Øyvor Guldal. Totalt er det 2 feler.

Bondeheimsfondet: Ingen har søkt om lån i 2021.

Gratis utlån: VAUL har ein sminkekoffert og høgtalar med mikrofon til gratis utlån for lokallaga. For tida er sminkekofferten hjå Kvås UL

Studieforbundet kultur og tradisjon Agder: Kari Mysen er styremedlem og Tor Steinar Fromreide kasserar.

Vest-Agder Musikkråd: Paul Sveinall representerer VAUL her.

Styret i Vest-Agder Ungdomslag